



SIARAN AKHBAR

TAKLIMAT DAN SESI PERKONGSIAN KANSER PAYUDARA

1. Autoriti Monetari Brunei Darussalam (AMBD), dengan kerjasama pihak Pusat Pakar Pantai Jerudong (PJSC) dan Brunei Breast Cancer Support Group (BBCSG), baru-baru ini telah mengendalikan sesi perkongsian mengenai kanser payudara bagi para pegawai dan kakitangan AMBD.
2. Acara ini antarlainnya bertujuan untuk meningkatkan kesedaran mengenai kanser payudara melalui penerangan sains disebalik terjadinya kanser tersebut, langkah-langkah yang boleh diamalkan untuk pencegahan, dan kepentingan pemeriksaan sendiri dan pemeriksaan klinikal dari semasa ke semasa. Sesi ini juga telah mengongsikan pengalaman mereka yang pernah mengalami kanser payudara serta cara-cara untuk memberi sokongan kepada pesakit-pesakit yang sedang atau pernah menghidapnya. Pembentangan dan pengongsian tersebut telah disampaikan oleh YM Dr. Raden Mas Jeffri bin Raden Mas Ismail, Pakar Onkologi dari PJSC; YM Hajah Aminah binti Haji Momin @ Ratu Hajah Aminah binti Pangeran Hawa Haji Momin, Yang Di-Pertua BBCSG; dan YM Datin Hajah Dayang Jaliha binti Haji Momin @ Ratu Datin Hajah Dayang Jaliha binti Pangeran Hawa Haji Momin, Setiausaha BBCSG.
3. Melalui sesi perkongsian ini, pegawai dan kakitangan AMBD diharap akan lebih peka terhadap kesihatan masing-masing, dan menyokong mereka yang pernah atau sedang menghidap kanser payudara.
4. Acara diakhiri dengan penyerahan sumbangan derma dari AMBD Pinktober 2020 Donation Drive yang telah disampaikan oleh YM Hajah Rokiah Binti Haji Badar, Pengarah Urusan AMBD kepada Yang Di-Pertua BBCSG. AMBD Pinktober 2020 Donation Drive telah diadakan dikalangan pegawai dan kakitangan AMBD untuk menyumbang kepada pembekalan *mastectomy bras* dan prosthesis payudara bagi individu-individu yang telah atau sedang menghadapi kanser payudara.

Autoriti Monetari Brunei Darussalam

Ruj: AMBD/COMMS/3

Tarikh: 30 Syaaban 1442 / 13 April 2021